

h
45

2.1-1-A-11

AD ANTONII GALLONII
DE MARTYRUM CRUCIATIBUS
LIBRUM
BREVIS ADDITIO

Joannis Josephi Paulovichii Lucichii J.
U. Doctoris, Patricii, Canonici, &
Provicarii Generalis Macarensis, Aca-
demici Etrusci Cortonensis, Spalaten-
sis, & Jaderensis Dalmatiarum, Veli-
terni Volscorum, Regiæ Sebethidos
Societatis Neapolitanæ Socii, Unani-
mum ~~Taurinensium~~ ^{Episcoporum}, atque Constan-
tium ~~Episcoporum~~ ^{Episcoporum} &c. &c. &c.

*BIBLIOTHECA
VICTORIO EMANUELE*



RHACUSII MDCCXCVI.
APUD ANDREAM TREVISAN
Superiorum Permissu.

4

THE
LIBRARY OF THE
MUSEUM
OF THE
CITY OF BOSTON
ADDITION

Quid non tentat serua crudelitas?

THE
LIBRARY OF THE
MUSEUM OF THE
CITY OF BOSTON

36
3
SS. CHRISTI. MARTYRIBUS.

QUI

EXQUISITA. SUPPLICIA.

CARNIFICINAS. IN. THEATRO.

DAMNATIONEMI AD. LUDUM.

GLOBI. ORBICULARI.

INSOMNIE.

CENSITATIONIS.

IGNIS. LENTI.

OBSORPTIONIS.

CORONÆ. ARDENTIS.

ATQUE. CLYSTERII.

IMMANIA. ATQUE. GRAVISSIMA.

CRUCIAMENTA. FORTITER. PERPESSI.

VICTORES. TRIUMPHATORESQUE. DIVINÆ.

GRATIÆ. AUXILIO. SUNT. EFFECTI.

JOANNES. JOSEPH. PAULOVICHUS. LUCICH.

DALMATA. MACARENSIS.

PERBREVEM. HANC. DE. ADMIRANDIS.

IPSORUM. CERTAMINIBUS.

ADDITIONEM. PIO. ANIMI. SENSU. AC.

DEVOTO. CORDIS. AFFECTU. HUMILITER.

OFFERENDO.

PRO. OBTINENDIS. PATIENTIÆ. FORTITUDINIS.

AC. PERSEVERANTIÆ. VIRTUTIBUS.

V. S. L. M.

UTINAM. IN. PACE. SEMPER. SIT.

SPIRITUS. MEUS. ET. HABITATIO. MEA.

VOBISCUM. IN. SION!

LECTORI ERUDITO AUTHOR
SALUTEM.

Assuetus a puero incredibili spiritus
dulcedine Acta Sanctorum studiose
ac frequenter volutare; statim atque E-
pistola mea de Supplicio Terebrationis
publicæ lucis usuram accepit, animum
subit cogitatio celeberrimum Antonii Gal-
lonii Librum de Cruciatibus exquirere,
atque operi tam eximio, si quid deesse
deprehenderim, pro summa ingenioli
exiguitate prætermissa superaddere. Au-
reum verè opus undique conquistum,
tandem hisce Dpminicæ Passionis diebus
ab humanissimo atque eruditissimo Viro
Jacobo Coletio Veneto commodatum ac-
cepi, atque præpropere festinatione per-
legi. Omnigenam Gallonii eruditionem
admiratus, pauca quædam Suppliciorum
genera vel tenebris quibusdam adhuc ob-
voluta aliquantulum, vel tanti Viri si-
lentio compressa cognovi, eaque e ve-
stigio supplere perbreui hac mea Addi-
tione curavi. Eam tu, Lector erudite,
gratanter excipe; hisque infirmis cona-
tibus meis in perscrutandis Sanctorum
Martyrum passionibus, & triumphis li-
bens utere. Vale.

CA.



C A P U T I.

QUENAM FUERINT OLIM EXQUISITA
SUPPLICIA INQUIRITUR.

IN Romano præcipue Martyrologio frequens fit de exquisitis suppliciis commemoratio. His affecti recensentur (1) plures Christi Athletæ, quos longum esset hic loci singillatim nominatimque referre. Quenam ea fuerint, ut merito exquisita nuncupari mereantur, inquisitione dignum videtur. In rem scripsit Cyprianus ad Demetrianum inquiring: „Admoves in laniandis corporibus nova tormenta; excogitat novas pœnas ingeniosa crudelitas“! Eusebio verò (2) ait: „Has quidem pœnas ingeniosi illi, & æqui, scilicet Judices, quo suam solertem indolem, & ingeniorum acumen ostenderent, & perinde ac si sine
A 4 „gula-

(1) Vide Martyrol. Romanum die 25. Febr. 30. April. 9. Junii &c.
(2) Hist. lib. 8. cap. 24.

„gulare quoddam sapientiæ specimen in
 „ea re eluxisset, attentius excogita-
 „runt; atque in novis suppliciorum ge-
 „neribus adinveniendis, non aliter atque
 „in certamine, præmia assequi labora-
 „bant, seque inter ipsos superare obni-
 „xe contendebant“. In exquisitam eo-
 rum sævitiam sic invehitur (1) Tertul-
 lianus: „Exquisitior quæque crudelitas
 „vestra, illecebra est magis sectæ. Plu-
 „res efficimur, quoties metimur a vo-
 „bis: semen est sanguis Christiano-
 „rum“. Seneca quoque exquisitam tor-
 mentorum inventionem detestatus est eo
 libro, quem de clementia scripsit (2)
 ad Neronem. Verum quid expresse sit
 exquisita perferre supplicia? Puto idem
 esse, ac præcipua tormentorum omnium
 genera experiri, quæ diversis temporibus
 diversorum tyrannorum sæva excogitavit
 truculentia. Exquisitum istiusmodi cru-
 ciamētum esset Cyphonismus, suppli-
 cium nempe illud, quo quis vinculo li-
 gneo, vel ferreo ad ighominiam liga-
 tus, detinebatur olim melle delibutus,
 muscisque expositus. Huc referri etiam
 posset Scaphismus, teterrimum supplicii
 ge-

• (1) *Apolog. in fine.*

(2) *Cap. 25.*

genus, quo damnatus, lacte, & melle
 perfusus sic tradebatur muscis, aliisque
 volatilibus devorandus, ut inter duas
 Scaphas inclusus, prominentibus capite,
 manibus, ac pedibus tantum, ad Solis
 radios exponeretur: cumque cogeretur
 in eodem vase corporis fæces exonerare,
 vermibus & putredine exortis, intus in-
 felix quidem corpore, sed beatissimus
 animo; post durissimum 15. vel 17. die-
 rum supplicium depascebatur. Inter hæc
 ipsa exquisita supplicia referri pariter
 potest illud, quod Apulejus (1) narrat
 in hunc modum: „Hunc Asinum ju-
 „gulare crastino placeat, totisque eva-
 „cuato præcordiis, per medium alvum
 „nudam Virginem insuere, ut sola fa-
 „cie prominente, ceterum corpus pnel-
 „læ nexu ferino coerceat: tunc super
 „aliquod saxum scruposum insititium,
 „& fartilem Asinum exponere, & So-
 „lis ardentis vaporibus tradere“... Sic
 enim misera patebat inclusa volucrum,
 & canum morsibus, ac scatentibus ver-
 mibus. Id fere generis erat portentosum
 illud a Mezentio excogitatum suppli-
 cium, cum vivorum corpora cadaveribus
 adversa adversis alligaret, atque con-

A 5 strin-

(1) *Lib. de Asin. aur. in fine.*

stringeret, ita ut singulæ membrorum partes singulis essent accomodatae, simulque tabescerent. Illud vero in cruciatibus Sanctorum quam valde exquisitum, quod impii Heliopolitæ Christianis Virginibus ignominiae causa olim legimus irrogasse! Imperante siquidem Apostata Juliano, talis tantaque sanctis Virginibus contumelia contigit, ut in medium productæ, vestibus nudatæ, proscissæ primum atque dissectæ, deinde evisceratæ, & adhuc palpitantes, hordeo refertæ, immanissimis (1) porcis obiciebantur devorandæ. Multiplicia exquisitorum tormentorum genera perbelle recenset Josephus (2), cujus hæc sunt ipsissima verba: „Singula proferri in „medium tormenta mandavit, exhiben- „tur itaque rotæ, radii, ungulæ, rota- „bula, catapultræ, lebetes, catastæ, fri- „xoria, digitaria, pugillaria, manus „ferreæ, subulæ, succensoria, ollæ æneæ, „sartago“. Dum igitur exquisitis quem- „piam affectum fuisse suppliciiis legimus, eum quidem non uno, verum multiplici istiusmodi cruciamento necesse est intel- „ligamus.

(1) S. Gregorius Nazianzenus 1. in Julianum invectione.

(2) Lib. de Machab. ad Polyb.

ligamus divexatum. Atque hæc de exquisitis Suppliciis.

C A P U T II.

DE SUPPLICIO CARNIFICINÆ IN THEATRO.

DE S. Euphemia sic effatur Martyrologium Romanum (1): „ Chalcedone natalis S. Euphemie virginis & martyris, quæ sub Diocletiano Imperatore, & Prisco Proconsule, tormenta, carceres, verbera, argumenta, rotarum, ignes, pondera lapidum, bestias, plagas virgarum, serras acutas, sartagines ignitas pro Christo superavit; sed rursus in theatrum ad bestias ducta &c. “ Metaphrastes etiam carnificinam SS. Martyrum, quæ in theatro fiebat, commemorat; cum ex SS. Martyrum Theophanis & Theodori epistola ad Cyzici Episcopum, & ad reliquam Orthodoxorum multitudinem hoc ipsum describit supplicium: quo quidem enarrato, præfati SS. Martyres Fratres hæc dixisse referuntur: „ Diximus Præfectori, & iis, qui aderant Neque enim nobis in angulo, neque in

A 6

„ oc-

(1) Die 16. Septembris.

„ occulto hæc facta sunt : sed in thea-
 „ tro , & in medio orbis terrarum “. Nihil frequentius in Actis SS. Martyrum
 occurrit , quam spectante populo , eorum
 cruciamenta in theatro . Durissima , quæ
 in eo repræsentabantur carnificinæ , exhi-
 beri consueverant ad comparandam ad-
 stantium voluptatem . Tanta fuerat tunc
 temporis efferatorum hominum inhumana-
 nitas , ut ad hæc intrienda spectacula in-
 credibili aviditate frequentissimi conve-
 nirent . In rem Suetonius plura testata
 reliquit . Extat & Epigramma Martialis
 lib. de poena Laureoli , quo monstrat ,
 Domitianum in theatro tragicos casus
 acerbos in miserorum corpora repræsen-
 tasse . Unum Philonis testimonium vi-
 detur sufficere , ut videlicet ex eo quis-
 que valeat theatri carnificinam pro me-
 rito deprehendere . Dum igitur pluribus
 agit de spectaculis , quæ tunc Alexan-
 driæ a Flacco Præfecto fuerunt exhibi-
 ta , hæc de istiusmodi habet supplicio :
 „ Ante flagellabantur in medio theatro ,
 „ igne , ferroque torquebantur , spectacu-
 „ lis distributis in hunc modum . Mane
 „ usque ad horam tertiam quartamve
 „ Judæi flagellabantur , rotisque alliga-
 „ bantur , per mediam orchestram duce-
 „ bantur ad supplicium : deinde post

„ 22 21

„ tam

„ tam præclara exempla edita induc-
 „ bantur saltatores , immo tibicines ,
 „ aliaque ludicra scenicorum certami-
 „ num“ . . . In theatri carnificina di-
 rissimam inscriptionis vultus pœnam in-
 super moris erat irrogare , prout fecisse
 narratur Theophilus hæreticus Imperator
 Iconoclasta , qui vultus SS. Martyrum
 Fratrum Theophanis , & Theodori atris
 cruentisque notis deformare jusserat ,
 jambos quosdam in eorum facie inscri-
 bendo .

C A P U T I I I .

DE SUPPLICIO DAMNATIONIS AD LUDUM .

SCire operæ pretium erit , quid olim
 Ludi nomine veniebat , ut hinc fa-
 cilius eruatur , qua ratione Christiani ad
 Ludum damnati , supplicia Ludi perfer-
 re dicebantur . Ludi igitur erant publi-
 ca spectacula , seu celebritates publicæ
 in cavea , aut circo religionis causa fa-
 ctæ , & ad populi voluptatem . Hinc il-
 lud (1) Ciceronis : „ Populus , ac vul-
 „ gus imperitorum ludis magnopere de-
 „ lectatur“ . Apud Græcos quatuor Lu-
 dorum

(1) *Pro Murena* .

dorum genera præcipua fuerunt, Olympici, Pythii, Isthmici, Nemæi. Apud Romanos alii in circo fiebant, qui circenses appellabantur, ut Romani, Plebeji, Apollinis, Martis, Cereris, Cybeles, Augusti &c.; alii in theatro, ut tragoediæ, comœdiæ; alii extra circum, & extra theatrum, ut compitalia, floralia &c. Universe de Ludis videsis (1) Wolfgangum Lazium. Quod autem Christiani olim Ludi pœna damnarentur, apparet ex Clement. const. (2) ubi hæc extant verba: „ Si quis Christianus propter nomen Christi, & charitatem erga Deum ac fidem ab impiis ad ludos, aut ad bestias, aut ad metallum fuerit damnatus &c. “ Gravissima quidem tunc erat Christianis Ludi pœna, quippe quæ falsæ religionis protestationem Ludi exercitio præseferibat; istiusmodi vero Ludos Christianis fuisse interdictos S. Cyprianus apertissimis innuit (3) verbis. Nam verecundia Christianorum nobilissima virtus a Ludis istiusmodi omnino exulabat, & ideo vitabantur Christiani & Ludos agere, & eis

(1) *Lib. 10. de Republ. Roman.*

(2) *Lib. 5. cap. 11.*

(3) *De Spectaculis.*

eis præsentibus esse. Hinc nostrates ad Ludi supplicia damnati, duriora quæque cruciamenta perpeti malebant, quam inter gladiatores, ferarum venatores, comædos, & tragædos, pyrrhicharios, & saltatores in circo, vel theatro connumerari, nec ea agere, quæ & spectare tantum Christianis erant interdicta, lege postmodum cavit Valentinianus Imperator, ne de cætero quispiam Christianorum ob quodvis facinorosum delictum ad Ludum damnaretur (1).

C A P U T I V.

DE SUPPLICIO GLOBI ORBICULARII.

DE hoc supplicio Clarissimus Gallonius in præclaro suo de Cruciatus Martyrum Opere (2) breviter describit tum fol. 22. tum 26. Affirmat idem Gallonius Globos Orbiculares lapides fuisse maximi ponderis, nigrique coloris, rotundæ, vel oblongæ formæ, quibus impactus extabat ferreus annulus, quo immittebatur funiculus ad ligandum, ac

(1) Lib. 8. de pæn. Cod. Theod.

(2) Edit. Antuerpiæ Sumptibus Andree Frisii 1668.

ac suspendendum ad pedes, & manus :
 gravitatem verò huiuscemodi cruciatus
 exponere prætermisit, innuens tantum,
 Globos eosdem Orbiculares adinventos
 fuisse alios quidem æstimandorum one-
 rum gratia, alios autem inferendorum
 cruciamentorum causa, illos numeri no-
 tam inscriptam præsetulisse, hos ea pe-
 nitus destitutos. Durissimi sane huius
 supplicii pœnam nos depromere parati,
 ipsissimis Josephi verbis (1) explicandam
 aggredimur. De ea itaque sic inquit :
 „ Inhumana crudelitate aliquid majus
 „ excogitat : Orbiculare afferri in me-
 „ dium jubet ; hinc cum pedes una cum
 „ manibus deorsum colligati fuissent,
 „ sanctum quoque chorda orbiculari ven-
 „ trem circumcingente, in altum usque
 „ contrahit nec mora, separatur a sede
 „ sua dorsi junctura, crura cum brachiis
 „ extrahuntur, ejiciuntur humeri ; sicque
 „ singulis nervis distinctis solvitur Mar-
 „ tyr invictus“. Quæ pauca quamvis,
 ea tamen sufficere censemus, ut Lector
 noster valeat supplicii huius inmanita-
 tem intelligere.

CA.

(1) *Libr. de Machab. ad Polyb.*

C A P U T V.

DE SUPPLICIO INSOMNIÆ.

NUllibi Gallonius in præcellenti memorato suo Opere Insomniæ supplicio sermonem fecisse compertus est, cujus tamen cruciamenti meminit Gellius (1) in hæc verba: „Eadem in somnia cruciatos periisse“. Acta SS. Martyrum pluribus in locis exhibent eos fuisse Insomnia cruciatos. Postquam enim dirè lacerato a carnificibus corpore, quispam ex SS. Martyribus semivivus adhuc supererat, persecutores sic male affectum in carcerem conjiciebant, eumque prosternebant super pavimentum testaceis obductum fragmentis; ne videlicet fessus somni quierem caperet, quem testarum punctiones adsidue fodicarent. Hoc supplicii in genere Martyrologium Romanum (2) excruciatum præ ceteris exhibet S. Felicem Presbyterum, qui ut S. Paulinus Episcopus scribit, a persecutoribus post tormenta in carcerem missus; cochleis ac testulis vinctus superpositus

(1) Lib. 6. cap. 4.

(2) Die 14. Januarii.

situs jacuisse deprehenditur. Persæ in gravissimis excogitandis atque inferendis suppliciis rara sane immanitate industrii, Insomniæ cruciamento miseros quosque afficere in more positum sic habebant. Imani hocce perimendus supplicio per triginta dies opipare vescens dormire prohibebatur: cum autem somno pressus dormitaret, statim præcutis stimulis confodiebatur, sicque intolerabili mortis genere interibat (1).

C A P U T V I.

DE SUPPLICIO CENSITATIONIS.

GENTES omnes, cunctique terrarum Populi vitam potius periculis omnibus, jubente Principe, exponere parati sunt, quam nimio censu gravari. Docent hoc omnium temporum, omnium gentium historiæ, & quæ in eis narrantur tragoediæ, ac parricidia. Verum tot execrandas memorias Tyrannorum impietatis in homines consulto hic loci recensere prætereuntes, illud solum censitationis supplicium nunc explicandum susci-

(1) Vide Philippum a S. Trinitate Carmel. in itiner. Orient. Lib. 2. cap. 7.

suscipimus, quod sub Galerio Maximia-
 no in Christianos omnes excreverat adeo,
 ut cum eo connexæ calamitates fidem
 omnino excedere videantur. Nos quæ
 sub eodem impiissimo Tyranno comita-
 ta sunt censitationem mala singula per-
 sequi volentes, gestarum rerum ordinem
 effari constituimus ipsissimis Lactantii
 (1) verbis. „ At verò (alt) illud publi-
 „ cæ calamitatis, & communis luctus
 „ omnium fuit, census in provincias; &
 „ civitates semel missus; censitoribus
 „ ubique diffusis, & omnia exagitantibus
 „ hostilis tumultus, & captivitatis
 „ horrendæ species erant. Agri glebatim
 „ metiebantur, vites, & arbores nume-
 „ rabantur, animalia omnis generis scri-
 „ bebantur, hominum capita notaban-
 „ tur; in Civitatibus urbanæ, ac rusticæ
 „ plebes adunatæ; fora omnia gregibus
 „ familiarum referta; unusquisque cum
 „ liberis, cum servis aderant: tormenta
 „ ac verbera personabant, filii adversus
 „ parentes suspendebantur, fidelissimi
 „ quique servi contra dominos vexaban-
 „ tur, uxores adversus maritos. Si om-
 „ nia defecerant, ipsi contra se torque-
 „ bantur: & quum dolor vicerat, ad-
 „ scri-

(1) De Mortibus Persecut. cap. 23.

„ scribebantur, quæ non habebantur.
 „ Nulla ætatis, valetudinis excusatio.
 „ Egri, & debiles deferebantur, æsti-
 „ mabantur ætates singulorum, parvulis
 „ adiciebantur anni, senibus detrahe-
 „ bantur. Luctu, & mœstitia plena om-
 „ nia. . . Post hoc pecuniæ pro capiti-
 „ bus pendebantur, & merces pro vita
 „ dabatur. Non tamen iisdem censito-
 „ ribus fides habebatur: sed alii super
 „ alios mittebantur, tanquam plura in-
 „ venturi: & duplicabatur semper, illis
 „ non inventientibus, sed, ut libuit, ad-
 „ dentibus; ne frustra missi viderentur.
 „ Interea minuebantur animalia, & mor-
 „ tales obibant; & nihil minus solveban-
 „ tur tributa pro mortuis, ut nec vive-
 „ re jam, nec mori saltem gratis lice-
 „ ret. Et alibi idem Lactantius hac
 „ alia de istiusmodi censitationis supplicio
 „ subdit (1): „ Qua vexatione generis
 „ humani exactio celebrata sit, maxime
 „ rei annonariæ, quis enarrare digne
 „ potest? Officiorum omnium milites,
 „ vel potius carnifices, singulis adhære-
 „ bant: cui prius satis fieret, incertum.
 „ Venia non habentibus nulla: sustinen-
 „ di multiplices cruciatus, nisi exhibe-
 „ retur

„ retur statim , quod non erat . Multis
 „ custodiis circumsepto nulla respirandi
 „ facultas , nullo tempore anni , vel exi-
 „ gua requies , frequens super iisdem ho-
 „ minibus , vel ipsis iudicibus , vel mi-
 „ litibus pugna , nulla area sine exacto-
 „ re , nulla vindemia sine custode , ni-
 „ hil ad victum laborantibus relictum .
 „ Quæ quamquam intolerabilia sunt ,
 „ eripi ab ore hominum cibos labore
 „ quæsitos . . . Unde igitur hoc , o de-
 „ mentissime tyranne , præstabo , quum
 „ omnes fructus auferas , universa na-
 „ scentia violenter eripias “ ? Quis verò
 „ finis tam immanem censitationem fuerit
 „ subsequutus , refert idem Lactantius sic
 „ (1) : „ Mendici supererant soli , a qui-
 „ bus nihil exigì posset , quos ab omni
 „ genere injuriæ tutos miseria , & infe-
 „ licitas fecerat . Atquin homo pius mi-
 „ sertus est illis . Ut non egerent , con-
 „ gregari omnes jussit , & exportatos na-
 „ viculis , in mare mergi . . . Ita dum
 „ cavit , ne quis simulatione mendicita-
 „ tis censum subterfugiat , multitudinem
 „ virorum miserorum contra omne jus
 „ humanitatis occidit “ . Vide , qui hæc
 „ legeris , quam dirum , quamque immane
 „ fue-

20
fuerit hoc inauditum censurationis supplicium!

C A P U T VII.

DE SUPPLICIO IGNIS LENTI.

Sanctorum Christi Martyrum Acta passim exhibent gloriosos fortesque Fidei nostræ Athletas lento igne sæpe sæpius ab carnificibus combustos. De supplicio istiusmodi ignis lenti mentionem præ cæteris in Romano Martyrologio fieri recordamur præcipue die 17. Februarii, & 12. Martii, ubi hoc eodem cruciamento affecti narrantur SS. Martyres Julianus Cappadox, & Petrus Diocletiani Imperatoris Cubicularius. Lactantius de Mortibus Persecutorum (1) legitime coctos appellat, quos lenti ignis supplicium excruciauit: alibi verò istiusmodi poena afflictos, extortos nuncupavit (2). Seneca pariter hoc eodem vocabulo usus est (3), cum ait: „ Per longam nervorum contractionem extortos minutatim“. Verum rationem hu-

(1) *Cap. 3. fol. 90.*

(2) *Ibid. segm. 3.*

(3) *Epist. 67.*

hujus inferendi supplicii Lactantius ex-
 plicavit in hæc verba (1): „ Datis legi-
 „ bus, ut post tormenta, damnati len-
 „ tis ignibus urerentur. Qui quum de-
 „ ligati fuissent, subdebatur primo pe-
 „ dibus lenis flamma tamdiu, donec cal-
 „ lum solorum contractum igni ab ossi-
 „ bus revelleretur. Deinde incensæ fa-
 „ ces, & extinctæ admovebantur singu-
 „ lis membris, ita ut locus in corpore
 „ relinqueretur intactus. Et inter hæc
 „ suffundebatur facies aqua frigida, &
 „ os humore abluebatur, ne, arescenti-
 „ bus siccitate faucibus, cito spiritus red-
 „ deretur. Quod postremo accidebat,
 „ quum per multum diem, decocta omni
 „ cute, vis ignis ad intima viscera pe-
 „ netrasset“. Et alibi idem (2) Lactan-
 tius supplicii hujus longitudinem simul
 & acerbitem indicat sic: „ Conten-
 „ dunt igitur ut vincant, & exquisitos
 „ dolores corporibus immittunt, & nihil
 „ aliud devitant, quam ut ne torti mo-
 „ riantur. . . Illi autem pertinaci stul-
 „ titia jubent, curam tortis diligenter
 „ adhiberi, ut ad alios cruciatus mem-
 „ bra renouentur, & reparetur novus
 „ 522-

(1) *De Mort. Pers. cap. 21.*

(2) *Lib. 5. cap. 11.*

„sanguis ad pœnam“. Nihil profecto hac Lactantii descriptione eloquentius desiderari potest ad lenti ignis supplicium intelligendum, ac spectandum non secus atque ob oculos positum.

Quod Lectorem movere posset, ut ulterius in rem inquireret, est, cur nimirum ait Lactantius, extinctas quoque faces singulis Martyrum membris admotas, cum accensæ, non autem extinctæ tormenti genus esse credantur? Hæc obijicienti nos breviter respondebimus, duplici de causa Faces, Lampades, sive Tedas, aut Funalia etiam extincta abs tortoribus ad singula SS. Martyrum membra admoveri solita fuisse, vel ut foetido, crassoque fumo eisdem molestiam afferrent, vel quia, utpote acuminatæ, & acutæ, quemadmodum eas describit Virgilius (1)

„Ferroque faces inspicat acuto
acrius torquerent, & intimè membra
exurerent, quod idem Poeta de more
elegantissime expressit (2):

„Sic effata facem juveni conjecit, &
atro

„Lumine fumantes fixit sub pectore
tedas“.

Len-

(1) 1. Georg. v. 292.

(2) Lib. 7. v. 457. *Æne.*

23
 Lenti supplicium ignis etiam Eusebius
 clarissime in sua Ecclesiastica Historia
 illustravit (1), dum de quodam Mar-
 tyre loquens ait: „Mandarunt nudum
 „in sublime tolli, ac flagellis eousque
 „toto corpore dilaniari. . . sed ubi ista
 „perpressus, constans & immutabilis per-
 „sisteret, de reliquo ossibus ejus jam
 „carne denudatis, acetum sale permix-
 „tum in corporis membra, cruciatu at-
 „tenuata, & prope tabefacta infude-
 „runt. . . inde craticula, & ignis una
 „in medium trahuntur, & reliquæ ejus
 „corporis, tamquam carnes ad come-
 „dendum paratæ, ignis incendio non
 „raptim, . . . sed paulatim absumptæ
 „fuerunt“. Sed de hoc supplicii gene-
 re satis.

C A P U T VIII.

DE SUPPLICIO OBSORPTIONIS.

GAllonio excepto, plures, iique sane
 clarissimi Viri de istiusmodi cru-
 ciatu sermonem fecisse recensentur. La-
 tantius imprimis hoc supplicium com-
 memorat Libro de Mortibus Persecuto-
 rum

(1) Lib. 8, cap. 6.

rum (1), ubi Cæsaris Galerii immanitatem ob oculos sic ponit: „ Habebat „ ursos ferociæ, ac magnitudinis suæ si- „ millimos . . . His homines non plane „ comedendi, sed obsorbendi objectabantur“. Eusebius (2) certè plures SS. Martyres diro hoc modo in Diocletianeâ persecutione coronatos fuisse luculenter testatur. Etiam S. Gregorius Papa libro 3. Dialog. cap. 2. scribit in historia S. Cerbonii Episcopi Populoniensis, eundem in medium deductum fuisse, atque ad inferendam ei mortem tali supplicio immanissimum ursum immissum, qui accensus, & concitus, S. Episcopum obsorberet. Verbum *obsorbeo* latinum; ex Cellarii observatione Plauto, & Virgilio est usitatum; & hæc propriè significat sanguinis humani inter vorandum sorbitionem, ursis, ut ajunt, gratissimum (3): ex quibus colligere licet, ursos in hoc inferendo supplicio semper abs tyrannis adhibitos. Modum verò Martyres obsorbendi habes apud Cuperum, qui in ponte quodam ligneo Martyres distentos,

(1) Cap. 21. segm. 5. 6. fol. 137. 138. Romæ 1759.

(2) Lib. 8. cap. 7.

(3) Vide Eusebium lib. 5. cap. 1.

25

tos, bestiisque expositos exhibet. Ursus
namque ad Martyrem quempiam obsor-
bendum destinatus, diurna unius saltem
diei fame & siti ad obsorbitionem perfi-
ciendam parabatur: deinde in Martyris
conspectum adductus, ad eum obsorben-
dum ab carnificibus concitabatur; qui
statim duplici feritatis famisque furore
corruptus, brachium, pedem, caput, vel
pectus ipsum Martyris incredibili avidi-
tate comminuebat: tum humani sangui-
nis dulcedine illectus, sitisque explendæ
percupidus, a devoratione paululum ab-
stinebat, donec sanguinem ex dissectis
venis exsugendo emungeret, membra-
que singula cruenta obsorbitione afflige-
ret. Quo quidem in supplicio, prohi-
Deus, qui quantique unius Christi Athle-
tæ acerbi agones!

C A P U T I X.

DE SUPPLICIO CORONÆ ARDENTIS.

Quanta quamque illustria SS. Mar-
tyrum Historiæ subministravit ad-
jumenta paulo ante in lucem (1)

B 2. emis-

(1) *Roma apud Antonium Fulgonium*
1793.

emissus Thebaico-Borgianus Codex de
 Miraculis S. Coluthi M. &c., percipi
 potest vel ex ipsa eaque maxima bono-
 rum omnium, eruditorumque Virorum
 sollicitudine; qua certatim exquirentes
 Opus verè quidem aureum cedroque di-
 gnum, illud festini ac lætabundi sibi
 comparandum curarunt. Mihi sane læ-
 gendorum istiusmodi monumentorum cu-
 piditate vehementer incenso ea sors ob-
 tigit, ut egregium omni ex parte ad
 pretiosissimum Volumen Eminentissimi
 atque humanissimi Domini mei S. R. E.
 Principis & Cardinalis Stephani Borgiæ
 clementia ac liberalitate dono datum
 acceperim. Non is ego sum, ut valeam
 de insigni totius Operis merito dignam
 pronuntiare sententiam: id enim æquum
 est, ut summi faciant Viri, haud illi,
 quibus reponi posset argutum illud Pli-
 nii effatum: „Ne sutor ultra crepidam“.
 Verum SS. Martyrum cruciatus mente
 & calamo revolventi effari pauca liceat,
 nimirum quædam suppliciorum genera,
 de quibus in Præfatione (1) Clarissimi
 atque doctissimi Viri Augustini Antonii
 Georgii, tanti Operis editoris ac illu-
 stratoris optime meriti, fit sermo, nunc
 ma-

(1) S. IV.

magis magisque clarificari pretiosi Voluminis splendore , unam autem cruciamenti rationem novam omnino mihi atque hucusque incompertam exhiberi . Quæ in explicando suppliciorum historia uberiora mihi visa sunt , occurrit imprimis illud HERMETARII vocabulum , quod tum ignitis vasibus , effervescenti aqua , vel alio inflammato liquore plenis , tum ædibus ipsis , in quibus hæc instrumenta passionis Christi Militibus parabantur , didici tribuendum . Aliud quoque Martyrii instrumentum , quod Sympselion , aut Sella , sive Sedes , & Cathedra ferrea ignita nuncupabatur , quodque simplex ac stabile fuisse putabam , duplex , seu plicatili forma constructum nunc primum cognovi . Præterea : terebrationis supplicium anno superiore exponenti in opella mea , quæ jam in vulgus elata est , nunquam in mentem venit me antea legisse , candentibus terebris vel uni ex Sanctis Martyribus effossos ab carnificibus oculos , quod quidem gestum accepi , cum Cyprianus Præses adferri iussit terebras duas ardenti ligne candentes , quas tamdiu intro in oculos Sancti pueri Anub impelli mandavit , quamdiu oculorum pupillæ in manus ejus deciderent . Proh acerbissimi cruciatus genus ! Tandem

dem in Actis SS. Martyrum non memini me umquam offendisse , cuiusdam ex Christi Athletis singulas ungues evulsas fuisse : quod tamen tormentum S. M. Epime , & S. Abbati militi Tia illatum testantur eadem ab eruditissimo atque doctissimo Georgio edita Coptorum Martyrum (1) Acta . .

Jam verò novum mihi atque inauditum Coronæ ardentis breviter commemoraturus supplicium , ipsissimis Clarissimi Georgii verbis utar , qui urentis cruciamenti atrocitatem sic (2) definit :
 „ Est Corona ex ardentibus carbonibus
 „ contexta , & miseri patientis capiti im-
 „ posita cum additis facibus ad ejus la-
 „ tera applicatis ; cumque duobus folli-
 „ bus ignem in ardenti verticis corona
 „ ea arte continuo excitantibus , ut ejus-
 „ dem ignis spicula flammæque sub ejus
 „ brachia reflecti cogerent , donec subtus
 „ Cathedram , in qua Martyr sedebat ,
 „ pervenirent “ . Ex quibus omnibus fas
 mihi sit & gravissimi supplicii Coronæ ar-
 dentis novitatem colligere , & cruciamentum hocce cum Cathedræ ignitæ tormento copulatum cogitare .

C A-

(1) Vide præfatam Præfationem fol. 78.

(2) Ibid. fol. 72.

C A P U T X.

DE SUPPLICIO GLYSTERII.

NOVUM hoc atque omnino mihi inauditum Supplicii genus supererat commemorandum, de quo ne vestigium quidem in Actis SS. Martyrum licuit hucusque deprehendere. De eo omnium primi sermonem fecere doctissimi clarissimique Viri, qui summa Christianæ & literariæ Reipublicæ utilitate Diarii Ecclesiastici Romani, præcellentissimum scribere pergunt opus; in quo extat Tabula æneis typis impressa, atque cruciamenti huius anno 1784. in Xenxi Sinarum provincia Christianis quibusdam illati rationem repræsentans. Ibi enim intueri licet hominem suis nudatum vestibus, immanique trunco, capite deorsum verso alligatum, cui adstat carnifex algidam aquam Clysterio intra nares dire suffundens: quo in supplicio tale quidem Christi Athleta deliquium patitur, ut nisi quamprimum vinculis solutus in pedes erigatur, statim soleat miseranda crudelique morte interire.

Brevi huic incomptæque de Suppliciis Additioni nostræ finem imponemus, *Le-cto-*

ctorem nostrum obsecrantes, ut iudicii
sui maturitate dignetur perficere, quod
in rem nos rudi calamo atque ingenio
festini properavimus coacervare: nam

„Sat facit indoctus Fidicen saltare
volenti“.

F I N I S.

